



Broj: 02-45-00709/24-5  
Datum: 15.05.2024.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" broj: 39/14 i 59/22) i preporuke Komisije za javne nabavke za dodjelu ugovora date u Zapisniku o pregledu i ocjeni ponuda broj: 02-45-00709/24-4, Općinski načelnik d o n o s i:

## ODLUKU O IZBORU NAJPOVOLJNIJEG PONUĐAČA

### I

Ugovor za javnu nabavku radova – Rekonstrukcija, sanacija i adaptacija doma kulture "Vatrogasni dom" u Pruscu, dodjeljuje se "ĐOGIĆ" d.o.o. Prozor-Rama, Magistrala bb, 88440 Prozor-Rama, kao najpovoljnijem ponuđaču za ukupnu ponuđenu cijenu od 89.238,40 KM (bez PDV-a) odnosno 104.408,93 KM (sa PDV-om).

### II

Primjerak ugovora dostavit će se odabranom ponuđaču u roku od 15 dana od dana kada su svi ponuđači obavješteni o izboru napovoljnijeg ponuđača.

### III

Ova odluka donesena je nakon okončanog postupka javnih nabavki provedenog na osnovu odluke Općinskog načelnika Općine Donji Vakuf, broj:02-45-00709/24 od 05.04.2024.godine, putem otvorenog postupka i tenderske dokumentacije broj:02-45-00709/24-1 te preporuke Komisije za javne nabavke za dodjelu ugovora date u Zapisniku o pregledu i ocjeni ponuda broj: 02-45-00709/24-4.

Obavještenje o nabavci je objavljeno na portalu javnih nabavki pod brojem: 1344-1-3-15-3-7/24 od 09.04.2024.godine te Službenom glasniku BiH broj: 25/24 dana 12.04.2024. godine.

### IV

Zadužuje se Služba za prostorno uređenje, katastar i imovinsko-pravne poslove, da u suradnji sa Službom za poslove općinskog vijeća i općinskog načelnika poduzme aktivnosti vezano za realizaciju ove odluke.

### V

Odluka stupa na snagu danom donošenja iste, a bit će objavljena na službenoj web-stranici općine Donji vakuf [www.donji-vakuf.ba](http://www.donji-vakuf.ba) i dostavljena svim ponuđačima koji su učestvovali u postupku javne nabavke.

## O b r a z l o ž e n j e

Dana 05.04.2024.godine Općinski načelnik je svojom odlukom broj:02-45-00709/24, pokrenuo postupak javne nabavke radova - Rekonstrukcija, sanacija i adaptacija doma kulture "Vatrogasni dom" u Pruscu. Procijenjena vrijednost javne nabavke je 89.900,00 KM bez PDV-a.

Odlučeno je da se javna nabavka izvrši u skladu sa članom 14. Stav 4. Zakona o javnim nabavkama putem otvorenog postupka, te je obavijest o javnoj nabavci proslijeđena na portal javnih nabavki i objavljena pod brojem: 1344-1-3-15-3-7/24 od 09.04.2024.godine u 7:45 sati te objavljena u Službenom glasniku BiH broj: 25/24 od 12.04.2024.godine.

Nakon proteka roka za dostavu ponuda koji je bio 14.05.2024.godine do 09:00 sati Komisija za javne nabavke je na sjednici održanoj 14.05.2024.godine sa početkom u 10:00 sačinila Zapisnik o otvaranju ponuda te konstatovala da su u skladu sa Zapisnikom o prijemu ponuda broj. 02-45-00709/24-2 sačinjenim u prijemnoj kancelariji:

- blagovremeno pristigle 3 (tri) ponude i to

- 1) "NASUP" d.o.o. Jajce, Kralja Tvrtka II bb, 70101 Jajce;
- 2) "ĐOGIĆ" d.o.o Prozor-Rama, Magistrala bb, 88440 Prozor-Rama;
- 3) "UNIVERZAL Uvoz-Izvoz" d.o.o. Gornji Vakuf-Uskoplje, Vrški put, 70240 Gornji Vakuf-Uskoplje;

- da nije bilo neblagovremeno pristiglih ponuda

U postupku donošenja ove odluke posebno su cijenjene činjenice da je Komisija za javne nabavke pravilno i potpuno izvršila ocjenu kvalificiranosti ponuđača te ocjenu prispjelih ponuda shodno tenderskoj dokumentaciji a prema kojoj se cijenila najpovoljnija ponuda sa kriterijem najniže ponudene cijene.

Komisija za javne nabavke je pregledom ponuda utvrdila da ponuđač "NASUP" d.o.o. Jajce, NE ISPUNJAVA uslove za kvalifikaciju, te je predmetna ponuda ocijenjena kao neprihvatljiva zbog čega je i odbačena. Razlog za odbacivanje ponude navedenog ponuđača sadržan je u činjenici da ponuđač nije ispoštovao zahtjev, odnosno nije ispunio uslov ugovornog organa Općine Donji Vakuf postavljen u tenderskoj dokumentaciji pod tačkom 13.2 a).

Ugovorni organ je pod tačkom 13.2. a) tražio od ponuđača da svi transakcijski računi ponuđača otvoreni kod poslovnih banaka nisu bili blokirani u posljednjih šest mjeseci računajući od momenta objave obavještenja. Kao dokaz ispunjavanja traženih uslova ugovorni organ je tražio ovjerenu izjavu koja je sastavni dio ove tenderske dokumentacije (Aneks VI), kao i dokument/potvrda koju izdaje Centralna banka BiH ili druga finansijska institucija kojima se dokazuje da u posljednjih šest (6) mjeseci od momenta objave obavještenja otvoreni računi ponuđača nisu bili blokirani.

Ponuđači su dužni dostaviti Izvještaj Centralne banke BiH, koji sadrži podatke o svim otvorenim bankovnim računima pravne osobe. Kako bi ponuđači dokazali da svi njihovi bankovni računi nisu bili blokirani u posljednjih šest (6) mjeseci prije prijave na predmetni postupak javne nabavke dostaviti će potvrde koje izdaje druga finansijska institucija - sve banke kod kojih su računi otvoreni, kojima se dokazuje da svi otvoreni računi ponuđača nisu bili u blokadi u posljednjih šest (6) mjeseci računajući od momenta objave obavještenja o nabavci.

Uvidom u dostavljeni Izvještaj o računima poslovnog subjekta na dan 18.03.2024.godine utvrđeno je da poslovni subjekt "NASUP" d.o.o. Jajce ima dva aktivna računa, oba kod UNICREDIT BANK DD.

Uvidom u dostavljenu potvrdu UNICREDIT BANK DD broj: KI10-9-4-24-673 od 09.04.2024.godine utvrđeno je da ista sadrži podatak i navod da račun nije blokirani u posljednjih 12 mjeseci za račun koji je u Izvještaju o računima poslovnog subjekta naveden pod rednim brojem 1, dok potvrda ne sadrži podatke o aktivnom računu koji je u Izvještaju o računima poslovnog subjekta naveden pod rednim brojem 2.

Razlog za odbacivanje ponude navedenog ponuđača sadržan je u činjenici da ponuđač nije ispoštovao zahtjev, odnosno nije ispunio uslov ugovornog organa Općine Donji Vakuf postavljen u tenderskoj dokumentaciji pod tačkom 13.3 b).

Ugovorni organ je pod tačkom 13.3. b) tražio od ponuđača da moraju imati u stalnom radnom odnosu, s punim radnim vremenom, minimalno jednog diplomiranog inženjera građevine ili diplomiranog inženjera arhitekture, odnosno magistra sa završenim drugim ciklusom bolonjskog sistema obrazovanja iste struke, s tri godine radnog iskustva i položenim stručnim ispitom, ili inženjera iste struke, odnosno bachelora sa završenim prvim ciklusom bolonjskog sistema obrazovanja iste struke, s položenim stručnim ispitom i s pet godina radnog iskustva u struci, što je u skladu sa članom 20. Zakona o građenju ("Sl.novine SBK/KSB", broj 10/14).